

## **Paamiut illoqarfiani aqquserngit taaguusersorneqarnissaat**

Sumiiffinnik Aqquserngillu Taaguutaannik Siunnersuisooqatigiit Kommunalbestyrelsimut siunnersutaat

Aalajangiiffigisassaq

J.nr.: 23.02.03

Suliffeqarfimi Kiffartuussivik –kommunaldirektæri Lars Møller- Sørensen / LMS

### **Suliassamik eqikkaaneq**

Paamiuni Najukkami Ataatsimiisitaliaq Sumiiffinnik Aqquserngillu Taaguutaannik Siunnersuisooqatigiinnut aqquserngit taaguutissaanik siunnersuuteqarsimapput. Siullermik aqquserngit qallunaatuumiit kalaallisut taagutaat allangortinneqarnissaat aappaattullu aqquserngit marluk taaguserneqarnissaannut siunnersuuteqarsimallutik.

Suliaq Aningaasaqarnermut Inuussutissarsionermullu Ataatsimiititap 13. novembari 2019-imi ataatsimiinnerani oqaluuserineqarpoq, inassuteqaatigineqartoq ataatsimiititami akuerisassutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

### **Inassuteqaatit**

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Paamiut illoqarfiani aqquserngit taaguutissaattut siunnersuut inaarutaasumik akuerineqassasoq.

### **Suliassamik saqqummiussineq**

Paamiuni Najukkami Ataatsimiisitaliaq Sumiiffiit Aqquserngillu Taaguutaannik Siunnersuisooqatigiinnut aqquserngit taaguutissaanik siunnersuuteqarsimapput. Siullermik aqquserngit qallunaatuumiit kalaallisut taagutaat allangortinneqarnissaat aappaattullu aqquserngit marluk taaguserneqarnissaannut siunnersuuteqarsimallutik.

### *Aaqqiissutissatut siunnersuut – suliatigut naliliineq*

Ataani allaqqasut allangugassatut siunnersuisooqatigiit kommunalbestyrelsimut akuerisassanngorlugit innersuutigai:

Anders Petersensvej

Jakob Berthelsensvej

Jakob Severinsvej

Kistaaraq Thomsensvej

William Jensensvej

Gerth Egedesvej

Kirkegårdsvej

Kákranut

Ateqalerluni: Anders Petersenip Aqqutaa.

Ateqalerluni: Jakob Berthelsenip Aqqutaa

Ateqalerluni: Jakob Severinip Aqqutaa

Ateqalerluni: Kistaaraq Thomsenip Aqqutaa

Ateqalerluni: William Jensenip Aqqutaa

Ateqalerluni: Gerth Egedep Aqqutaa

Ateqalerluni: Aanersuarnut

Ateqalerluni: Qaqqanut

Kirkegårdsvej “Aanersuarnut” allangortinneqarneranut tunngavilersuut: “...aqqusineq iliveqarfiup nutaap tungaanut ingerlasoq qaqqat Aanersuarnik taaneqartartut tungaanut ingerlammatt. Qaqqat Aanersuarmik taaneqartartut soorlu ujaqqat aserorternikutut isikkoqarmata..”.

Taamatutaaq siunnersuisooqatigiit ataatsimiititaliamit aqquuserngit maannamut taaguuteqanngitsut marluk atserneqarnissaanut siunnersuutigineqarsimasut akuerisassanngorlugit innersuutigai. Taaguutissatut siunnersuutigineqartut innuttaasunik peqataatitsinikkut pissarsiarineqarsimapput. Siunnersuutit tungavilersuutillu ataani atuarneqarsinnaapput.

Siullertut mittarfiup tungaanut aqqutip atserneqarnissaanut siunnersuutit tallimaasuni ataatsimiititamit toqqarneqarsimavoq *'Tulugannguanut'*. Toqqaanermut tunngaviuvoq mittarfiup sananeqalernerani qaqqat qaartinneqanngikkallarmata mittarfiup tungavigisaa qaqqap aqqa *'Tulugannguit'*, tamannalu Siunnersuisooqatigiinnit taparserneqarsimalluni.

Aappaattut Nukissiorfiup innaallagiaqarfiata aqquuserngata atsernissaanut siunnersuutini sisamaasuni ataatsimiititaliamit toqqarneqarsimavoq *'Eqaligalinngivit aqqutaa'*. Tunngavilersuutaalu imaalluni: "...Ujuaannaqap nakkaaviata", tasianiit aammalu taassuma illuatungaani "Ujuaansinnguup " sukuutsertarfianiit kuunnguit ataatsimut kuuttut ammut Elværkipp nutaap tungaanut aammalu tassanngaanniit ingerlaqqillutik qinngunnguamut atasut kuuat ateqarpoq "Eqaligalinngivit Kuu"-nik, taaguut taanna ateqaatsiullugu aqquusernup pineqartup atserneqarnissaanut siunnersuutigaara imatut: "Eqaligalinngivit aqqutaa"..".

Siunnersuutip *'Eqaligalinngivit Aqqutaa'* –ta allanngortinneqarnissaa siunnersuutigaat, taarsiullugu siunnersuutigalugu *'Eqaligalinngivanut'* atsiunneqassasoq, tassunga oqaatsit eqqortumik atorneqarnissaat tunngavigineqarluni, soorlu sumiiffimmukarnermi oqartoqartarmat *'Kuanninnguanut'* (-nut atorneqarluni). Siunnersuisooqatigiit allannguutissatut siunnersuutaat ataatsimiisitaliamut tusarniaassutigisimavaat sumiorpalussuserlu tunngavigalugu *'Eqaligalinngavanut'* Najukkami Ataatsimiisitaliamit innersuutigineqarpoq.

Qulaani pineqartut siunnersuisooqatigiit 20. februaari 2019-mi ataatsimiinnerminni sammisimavaat. Ataatsimiinnermit imaqarniliaq ilanngussami 1-mi takuneqarsinnaavoq.

*Aningaasatigut sulisoqarnikkullu naliliinerit*

Aqquuserngit taagusersornissaanut atatillugu allagartanut (vejskilte) aningaasanik malitseqarumaarpoq.

*Inatsisitigut tunngavissaq allakkallu tunngaviusumik uppersaatitallit*

Sumiiffiit Aqquuserngillu Taaguutaannik Siunnersuisooqatigiinnut ileqqoreqqusaq.

*Ingerlariaqqinnissaq*

Kommunalbestyrelsip aalajangiinera Siunnersuisooqatigiinnut Najukkami Ataatsimiisitaliamullu nalunaarutigineqarumaarpoq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqatigiinneq**

Taaguutit nutaat kommunip nittartagaanut saqqumminneqarumaarput.

**Ingerlatsivinniit allaniit oqaaseqaatigineqartut**

Oqaaseqaateqartoqanngilaq.

**Siusinnerusukkat aalajangerneq**

*Aningaasaqarnermut Inuussutissarsiornermullu Ataatsimiititap 13. novembari 2019-imi aalajangiussaa:*

Inassuteqaat akuerineqarpoq

**Ilanngussaq/Ilanngussat**

1. Siunnersuisoqatigiit ataatsimiinneranni imaqarniliaq.